


咏物詩選

~~48  
1~~

八部

歲時部

逍遙文庫  
文庫6  
1055  
1



嘉善俞長仁編輯

# 歷朝咏物詩選

分類  
備載

寧儉堂藏板



詩能體物每以物而興懷物可引詩亦因詩而覩態周南篇首托興睢鳩楚客詞中寄情蘭蕙崔氏鴛鴦之什擅美三唐謝家蝴蝶之篇著名兩宋聿緣情之有作唯咏物之為多然而佳製連篇散分麟閣新文滿篋襍寄鴻編非藉集狐曷窺全豹吾友長仁才同繡虎藻並雕龍閉戶殫思探簡編于二酉下帷攻苦學文史于三冬拂紙則銀管千言揮毫而瑤詞滿幅薰香摘艷既妙解夫文章曼玉敲金尤精研乎詩律爰搜秘笈復辟雲箋遍採歌詩獨編咏物觀其牢籠百態會集羣英分類標題發凡起例上窮蒼昊不難鏤月裁雲下括神臬真足



模山範水長門永巷時屬新詞紺宇梵宮每題佳句思  
 公子而不見宛轉傳神望美人兮未來娉婷現影以至  
 徵伶選藝緯武經文錯落珠璣不遺布帛之作輝煌黼  
 黻仍留冠冕之篇入大官之庖珍羞備列遊五都之市  
 器用襍陳拾香草於詞間燦新花於紙上珍禽奇獸俱  
 著品題春蚓秋蛇曲摹形象將天地間殊形詭狀盡入  
 奚囊為古今來才子詞人留充武庫加以刪繁就簡領  
 異標新有要有倫亦精亦博採崑山之尺璧微玷皆捐  
 採合浦之寸珠羣璣悉棄祕諸玉枕可為學海之珍船  
 列在牙籤不啻文河之寶筏乃若征途旅館寂寞多閒

敦漁同

雪案螢窗優游少託春花秋月動其妍思鳥語蟲吟引  
 其芳緒方當開茲緗帙對此芸編喜萬象之畢陳任供  
 採拾觀眾形之悉具足備斂畋真堪作我清供添人藻  
 句鑿居同里閑學附淵源回思立雪之季曾陪問難今  
 值截蒲之際聊助校讎樂觀厥成佇卜金輕夫呂氏家  
 藏斯集行看紙貴於洛陽亦曰賞奇敢云弁首同里世  
 弟錢鑿拜題

凡詩之作所以言志也志之動由於物也感於物而動故形於言言不足故發爲詩詩也者發於志而實感於物者也詩感於物而其體物者不可以不工狀物者不可以不切於是有詠物一體以窮物之情盡物之態而詩學之要莫先於詠物矣古之詠物者其見於經則灼灼寫桃華之鮮依依極楊柳之貌杲杲爲出日之容灑灑擬兩雪之狀此詠物之祖也而其體猶未全至六朝而始以一物命題唐人繼之著作益工兩宋元明承之篇什愈廣故詠物一體三百導其源六朝備其製唐人擅其美兩宋元明沿其傳其佳者往往擬諸形容象其

物宜不卽不離而繪聲繪影學者讀之可以恢擴性靈  
發揮才調顧巨秩鴻編難於卒讀一朝專彙挂漏實多  
從遊沈子堯封偕弟賡虞欲得一簡而該者以供記誦  
請業於余余不獲辭爰取名家諸集及選本而手錄之  
斷自六朝至於明季集分八卷詩逾千篇名曰詠物詩  
選聊便初學用塞其請或曰雕蟲篆刻壯夫不爲月露  
風雲古人所賤則是書之輯余滋愧焉或曰傳有之多  
識於鳥獸草木之名又曰不學博依不能安詩則是書  
也亦未必非學詩之一助云爾雍正甲辰十月朔俞琰  
序

詠物詩選凡例

一詩有古風近體之不同而是集所選專於近體即長  
律亦止錄十二韻以內者以集隘難于盡登且詠物  
體製正宜穩順聲律不蔓不支累句蕪詞亦無足取  
一是集選自六朝止于明世若國朝人文蔚起佳作  
如林<sup>琰</sup>孤陋寡聞無由徧識惟就古人所缺與同里  
諸子詩略附一二故加附字以別之明非備錄  
一詠物之詩多者莫如李巨山下迨謝瞿廣至百首專  
門名家之業選錄宜多更有以一篇之工擅名千載  
者如崔鴛鴦鄭鷓鴣謝蝴蝶楊春草袁白燕之類無

不畢採以備詩林佳話且使學者有所感興  
一唐人以詩取士故其詩獨工是集所載居其大半明  
所尚也然在唐以前者豈無觀止之什唐以後者亦  
有居上之篇心思所至風會難拘惟擇其佳者而錄  
之亦不必定存唐作也

一歲時非物也然是集本為初學而設良辰美景存之  
可以備取材謹遵佩文咏物詩選之例亦為編入  
一集中所載如山部之有諸山水部之有諸水居處與  
寺觀等亦然例得附入若槩為刪去未免聞見寂寥  
然必欲備採即汗牛充棟猶有所遺故略存其要如

五嶽四瀆之類或題非緊要而詩則甚佳者亦得與  
焉識者鑒之

一是集雖名咏物而衆體兼全歲時之內不乏感興地  
部之中亦多憑弔遊覽即存乎山水閒情已備于麗  
人言懷酬贈附見諸詩學者讀之正不必廣覽旁搜  
而運用有餘矣

一一題之詩多者不過六首少者僅存一首蓋既欲其  
約又欲其該第取備物不能備詩也

一是書部分三十其先後次序略以天地人物為綱首  
天部而歲時者天之運行也故歲時次之次地部而

山水者地之屬也。居處寺觀則附于地者也。故山水與居處寺觀次之。次人部。人有麗人而文武者。人之所能樂藝者。人之所習器用。裸玩所以奉人。玉帛冠服所以資人。飲食所以養人。菓也。穀也。蔬也。皆飲食之品也。故諸部次之下。此則為物矣。百花草木植物也。禽獸鱗介水族昆蟲動物也。或無情或有情而統歸之于物。故以數者終焉。

一每部之中其叙次必先靈而後蠢。先巨而後細。先有用而後無用。無奪倫也。然其中更有以名附者。如秋海棠之附于海棠。珠蘭之附于蘭。是也有以類附者。

如煙火之附于香炭。箭之附于竹。是也。

一每咏一物以單名總咏者。居先而後。及于分咏。又次及于雜咏。分咏者。如天部日後之繼。以蚤日。日午。夕陽。返照之類是也。雜咏者。如天部中秋月後之繼。以鶴林寺。中秋夜。玩月。地部郊墅後。繼以初夏郊行之類是也。餘可類推。

一序詩之法。或以體序。或以世序。此大較也。是集專為咏物。故惟以物序。若一物而數詩者。仍以體分。物同而體亦同者。仍以世次。

一古人題目多為後人所增刪。殊失本來面目。是集各

從舊本不敢妄更，惟題上有咏字者，槩為削去。蓋既以咏物名書，則咏字無庸復贅。讀者幸勿致訝。一數詩共題者，後止書又字，一人疊見者，後不書人，一覽自明，省文可也。

一、是書彙經，屢易劇費苦心，共商確之任者，為余友錢辰御，助校閱之勞者，為及門沈堯封及賡虞，始事之勤，所不敢泯然。而識非蕭嗣博，愧邊生燕石，自珍驪珠難探，高明君子，尚其有以教我。

俞琰長仁氏識

咏物詩選總目

魏塘俞琰長仁輯

卷第一

天部九十二首

歲時部一百二十三首 歲時部附錄十二首

卷第二

地部六十一首

山部五十首

卷第三

水部六十六首



居處部九十八首  
寺觀部二十九首

卷第四

人部四十一首

麗人部七十三首

文部二十七首

武部二十七首

卷第五

樂部五十一首

巧藝部三十一首

樂部附錄三首

器用部一百四首  
雜玩部十二首

卷第六

玉帛部十六首

冠服部二十七首

飲食部三十五首

菓部三十三首

穀部八首

蔬部十二首

卷第七

花部一百三十一首

花部附錄五首

木部四十一首

木部附錄八首

草部二十二首

卷第八

禽部七十五首

獸部三十二首

鱗部十一首

介部五首

水族裸部四首

昆蟲部三十九首

終

咏物詩選卷第一目錄

魏塘俞 琰長仁輯

天部

日

唐李嶠

曉日

唐韓偓

望蚤日

唐朱慶餘

日午

唐虞世南

夕陽

唐鄭谷

又

唐韓偓

返照

唐杜甫

賦得秋日懸清光

唐王維

月

梁沈約

又

唐杜甫

新月

唐方干

又

唐徐寅

又

唐羅隱

月圓

唐杜甫

皓月

明祝允明

秋月

唐戎昱

月夜

唐杜甫

八月十五夜月

唐僧棲白

中秋月

宋蘇軾

鶴林寺中秋夜玩月

唐許渾

中秋待月

唐陸龜蒙

湖中玩月

明張紳

十五夜望月

唐王建

海上生明月

唐宋華

府試殘月如新月

唐鄭谷

華州試月中桂

唐張喬

星

明許穀

牛女星

唐宋之間

壽星見

唐盧渥

天河

唐杜甫

風

唐太宗

又

唐李山甫

又

唐李嶠

賦得風不鳴條

唐舒元興

雲

唐董思恭

又

唐鄭準

春雲

唐鄧倚

夏雲

唐曹松

孤雲

唐于鄴

慶雲見

唐李紳

晚霞

宋朱子

雨

唐李嶠

又

唐杜牧

細雨

唐李商隱

微雨

唐吳融

春雨

唐吳融

連雨漲江

宋蘇軾

對雨

唐李白

又

唐劉兼

夜窗聽雨

明李東陽

聞雨

唐韓偓

春夜喜雨

唐杜甫

久旱喜雨

明羅程

旅館遇雨

唐杜荀鶴

芒種過後經旬無日不雨

宋陸游

監試夜雨滴空堦

唐喻鳧

夏夜雨

唐韓偓

大雨

宋蘇軾

晴

宋梅聖俞

雨晴

唐杜甫

又

元倪瓚

初晴

宋陸游

又

宋王安石

春晴

唐王駕

春霽

宋秦觀

途中晴

唐孟浩然

霧

唐蘇味道

水邨霧

宋葛長庚

曉行遇霧

宋葛長庚

露

唐李嶠

又

唐韓琮

又

唐徐寅

霜

唐徐寅

霜花

元謝宗可

雪

唐聶夷中

又

唐吳融

又

元黃庚

對雪

唐李商隱

春雪

金元德明

又

唐韓愈

江雪

唐柳宗元

和王員外晴雪早朝

唐錢起

雪後書北臺壁

宋蘇軾

韓舍人書齋殘雪

唐戎昱

雪中偶題

唐鄭谷

雪行

金元德明

霰

宋楊萬里

雷

唐杜甫

電

附俞琰

虹

附王桂

賦得浦外虹

唐陳潤

暮虹

元黃庚

歲時部

立春

唐韋莊

又

宋張栻

元日立春感嘆有作

宋范成大

人日立春

唐盧仝

迎春東郊

唐皇甫冉

歲旦

宋宋伯仁

元旦試筆

明陳憲章

已酉元日

宋陸游

元日觀朝

唐厲元

奉和正日臨朝應詔

唐魏徵

人日

唐杜甫

正月十五夜

唐蘇味道

十五夜遊

唐蘇味道

長安元夜

唐袁不約

元夜

宋朱淑真

元宵

明唐寅

十五夜御前口號踏歌詞

唐張說

又

唐張說

花朝

明湯顯祖

社日

明甘瑾

又

唐張演

寒食前有懷

唐温庭筠

寒食

唐韓翃

鄜州寒食

唐韋莊

又

唐韋莊

又

唐韋莊

清明登城春望寄王使君

唐王表

長安清明

唐韋莊

清明日對酒

宋高翥

清明即事

明瞿佑

清明日賜百官新火

唐鄭轅

清明

宋王禹稱

上巳

明楊基

上巳日花下閒看

唐吳融



上巳

宋韓琦

上巳看花次韻

明楊基

晚春

隋煬帝

暮春即事

唐魚玄機

和人暮春書事寄崔秀才

唐韋莊

春暮有感

明楊基

暮春吟

宋邵雍

春盡日

唐韓偓

春日

梁元帝

又

唐韋莊

春日晏起

唐韋莊

春日書院

明魯鐸

春日閒居

明王虞鳳

春歌

晉女子

春曉

唐孟浩然

春夜

宋王安石

又

金呂中孚

春色滿皇州

唐沈亞之

春行

宋真山民

春景

明宣宗

山中立夏卽事

明 蔡汝南

蚤夏

唐 胡宿

初夏閒居卽事

宋 陸游

初夏

宋 陸游

又

宋 曾鞏

貞谿初夏

明 郭亨貞

午日庭宴

明 唐順之

許長卿水亭五日

明 顧起元

揚州端午呈趙帥

宋 戴復古

大暑

金 趙元

暑中閒咏

宋 蘇舜欽

消暑

唐 白居易

橋南納涼

宋 陸游

六七月之交山中涼甚

宋 陸游

奉和夏日應令

北周 庾信

夏日

宋 張耒

又

宋 張耒

夏日偶成

明 黃氏

夏夜

宋 方岳

夏景

明 宣宗

立秋

唐周弘讓

立秋日

唐司空曙

又

宋劉武子

新秋

唐元稹

又

唐杜甫

新秋示威伯宣

明銜泰

七夕

隋王昶

又

唐祖咏

又

元孫淑

又

明馮琦

池塘七夕

唐温庭筠

中秋

明曹鼎

又

宋汪洙

九日藍田崔氏莊

唐杜甫

九日齊山登高

唐杜牧

重陽日訪元秀上人

唐鄭谷

九日

元張養浩

九日宴

唐張諤

重九

朝鮮鄭道傳

暮秋感興

宋寇準

以牛言選卷一

江亭晚秋

唐李郢

秋晚高樓

唐唐彥謙

秋日

唐耿漳

又

唐韓偓

又

宋朱子

長安臥病秋夜言懷

唐陳羽

西齋秋夜

元僧善住

長安秋夜

唐李德裕

山間秋夜

宋真山民

江館秋夕

唐譚用之

感秋

唐姚倫

秋興

唐杜甫

秋懷

唐雍陶

秋色

唐吳融

秋景

明宣宗

立冬

明王穉登

初冬

宋劉克莊

小至

唐杜甫

至節即事

元馬臻

南至日太史登臺書雲物

唐于尹躬

水初詩選卷一目錄

二

寒夜

宋 杜小山

臘月下旬偶作

宋 張耒

臘日

明 李先芳

除夜

唐 王諲

除夜作

唐 高適

守歲侍宴應制

唐 杜審言

冬日

唐 韓偓

冬夜

明 毛文貞

冬景

明 宣宗

歲時部 附錄

曉

唐 徐寅

曉色

元 謝宗可

商山蚤行

唐 温庭筠

秋日早行

唐 韋莊

江上蚤行

明 楊士奇

晚步

元 葉顥

夜

唐 徐寅

夜景

唐 韋莊

夜景又作

唐 鄭畋

夜半

唐 李商隱

夜坐

明文徵明

閏月定四時

唐許稷

咏物詩選卷第一目錄終

咏物詩選卷第一

魏塘俞琰長仁輯

天部

日

唐李嶠

日出扶桑路。遙升若木枝。雲間五色滿。霞際九光披。東陸蒼龍駕。南郊赤羽遲。傾心比葵藿。朝夕奉光曦。

曉日

唐韓偓

天際霞光入水中。水中天際一時紅。直須日觀三更後。首送金烏上碧空。

望蚤日

唐朱慶餘

馳遲一作

窗下聞鷄後。蒼茫映遠林。纔分天地色。便禁虎狼心。是處程途遠。何山洞府深。此時堪竚望。萬象豁塵襟。

日午

唐虞世南

高天淨秋色。長漢轉曦車。玉樹陰初正。桐圭影未斜。翠蓋飛圓彩。明鏡發輕花。再中良表瑞。共仰璧暉賒。

夕陽

唐鄭谷

夕陽秋更好。澌澌蕙蘭中。極浦明殘雨。長天急遠鴻。僧窗留半榻。漁舸透疎篷。莫恨清光盡。寒蟾即照空。

又

唐韓偓

花前灑淚臨寒食。醉裏迴頭問夕陽。不管相思人老盡。

朝朝容易下西墻。

返照

唐杜甫

返照開巫峽。寒空半有無。已低魚腹暗。不盡白鹽孤。荻岸如秋水。松門似畫圖。牛羊識童僕。既夕應傳呼。

賦得秋日懸清光

唐王維

寥廓涼天淨。晶明白日秋。圓光含萬象。碎影入閑流。迴與青冥合。遙同江甸浮。晝陰殊衆木。斜影下危樓。宋玉登高怨。張衡望遠愁。餘輝如可托。雲路豈悠悠。

月

集作應王中丞思遠咏月

梁沈約

月華臨靜夜。夜靜滅氛埃。方暉竟戶入。圓影隙中來。高

魚腹暗  
白鹽孤

珠一作

樓切思婦西園遊上才網軒映朱綴應門照綠苔洞房  
殊未曉清光信悠哉

又

唐杜甫

耐一作

四更山吐月殘夜水明樓塵匣元開鏡風簾自上鉤兔  
應疑鶴髮蟾亦戀貂裘斟酌嫦娥寡天寒耐九秋

新月

唐方干

入夜天西見蛾眉冷素光潭魚驚釣落雲鴈怯弓張隱  
隱臨珠箔微微上粉墻更憐三五夕仙桂滿輪芳

又

唐徐寅

雲際嬋娟出又藏美人腸斷拜金方嫦娥一隻看先掃

織女三分鏡未光珠箔寄鉤懸杳靄白龍遺爪印穹蒼  
更期十五圓明夜與破陰霾照八荒

又

唐羅隱

禁鼓初聞第一敲臥看新月出林梢誰家寶鏡初磨出  
匣小參差蓋不交

月圓

唐杜甫

孤月當樓滿寒江動夜扉委波金不定照席綺逾依未  
缺空山靜高懸列宿稀故園松桂發萬里共清輝

皓月

明祝允明

玉田金界夜如年大地人間事幾千萬籟蕭蕭微不辨



露繁霜重月盈天

秋月

唐戎昱

秋宵月色勝春宵。萬里天涯淨寂寥。近來數夜飛霜重。只畏娑婆樹葉凋。

月夜

唐杜甫

今夜鄜州月。閨中只獨看。遙憐小兒女。未解憶長安。香霧雲鬢溼。清輝玉臂寒。何時倚虛幌。雙照淚痕乾。

八月十五夜月

唐僧樓白

尋常三五夜。豈是不婵娟。及至中秋半。還勝別夜圓。清光凝有露。皓色爽無煙。自古人皆望。年來復一季。

中秋月

宋蘇軾

暮雲收盡溢清寒。銀漢無聲轉玉盤。此生此夜不長好。明月明年何處看。

鶴林寺中秋夜玩月

唐許渾

待月東林月正圓。廣庭無樹復無煙。初更雲淨出滄海。半夜露寒當碧天。輪影漸移金殿外。鏡光猶挂玉樓前。莫辭達曙殷勤望。一墮西巖又隔年。

中秋待月

唐陸龜蒙

轉缺霜輪上轉遲。好風偏似送佳期。簾斜樹隔情無限。燭暗香殘坐不辭。最愛笙調聞北里。漸看星淡失南箕。

何人為校清涼力。欲減初圓及午時。

湖中玩月

明張紳

銀波千頃照神州。此夕人間別是秋。地與樓臺相上下。天隨星斗共沉浮。一塵不向空中住。萬象都於物外求。醉吸清華遊碧落。更從何處覓瀛洲。

十五夜望月

唐王建

中庭地白樹棲鴉。冷露無聲溼桂花。今夜月明人盡望。不知秋思在誰家。

海上生明月

唐宋華

皎皎秋中月。團團海上生。影開金鏡滿。輪抱玉壺清。漸

出三山上。將凌一漢橫。素娥嘗藥去。烏鵲繞枝驚。照水光偏白。浮雲色最明。此時堯砌下。莫莢正敷榮。

府試殘月如新月

唐鄭谷

榮落何相似。初終却一般。猶疑和夕照。誰信隨朝寒。水國輝華別。詩家比象難。佳人應誤拜。棲鳥反求安。屈指期輪滿。何心謂影殘。庾樓清賞處。吟徹曙鐘看。

華州試月中桂

唐張喬

與月轉洪濛。扶疎萬古同。根非生下土。葉不隊秋風。結蘂圓時足。低枝缺處空。影超羣木外。香滿一輪中。未種丹霄日。應虛白兔宮。如何同片玉。散植在堂東。

星

明許穀

麗天疑有質。連貝各呈輝。森布標分野。羣來捧太微。宵  
占賢士聚。曉覺故人稀。獨喜旄頭落。天南奏凱歸。

牛女星

唐宋之問

粉席秋期緩。針樓別怨多。奔龍爭渡月。飛鵲亂填河。失  
喜先臨鏡。含羞未解羅。誰能留夜色。來夕倍還梭。

壽星見

唐盧渥

元象今何應。時和政亦平。祥為一人壽。色映九霄明。皎  
潔垂銀漢。光芒近斗城。含規同月滿。表瑞得天清。甘露  
盈條降。非煙向日生。無如此嘉祉。率土荷秋成。

天河

唐杜甫

常時任顯晦。秋至最分明。縱被微雲掩。終能永夜清。含  
星動雙闕。伴月落邊城。牛女年年渡。何曾風浪生。

風

唐太宗

蕭條起關塞。搖颺下蓬瀛。拂林花亂彩。響谷鳥分聲。披  
雲羅影散。泛水織文生。勞歌大風曲。威加四海清。

又

唐李山甫

喜怒寒暄直不勻。終無形狀始無因。能將塵土平欺客。  
愛把波瀾枉陷人。飄藥透香隨日在。綻花開柳逐年新。  
深知造化由君力。試為吹噓借與春。

又

解落三秋葉。能開二月花。過江千尺浪。入竹萬竿斜。

唐李峤

賦得風不鳴條

唐舒元興

五緯起祥飈。無聲識聖朝。稍開含露葉。纔轉惹烟條。密葉應潛長。低枝且暗搖。林間鶯自轉。花下蝶微颺。但偃緣堤草。能扶出水苗。太平無一事。天外奏虞韶。

雲

唐董思恭

帝鄉白雲起。飛蓋上天衢。帶月綺羅映。從風枝葉敷。參差過層閣。倏忽下蒼梧。因風望既遠。安得久踟躕。

又

唐鄭準

片片飛來靜。又閒樓頭江上復。山前飄零盡。日不歸去。貼破清光萬里天。

春雲

唐鄧倚

搖曳自西東。依林又逐風。勢移青道裏。影泛綠波中。夕霽方明日。朝陰復蔽空。度關隨去馬。出塞引飛鴻。色任寒暄變。光將遠近同。為霖如見用。還得助成功。

夏雲

唐曹松

勢能成嶽仞。頃刻長崔嵬。暝鳥飛不到。野風吹得開。一天分萬態。立地看忘回。欲結暑宵雨。先開江上雷。

孤雲

唐于鄴

先廟之  
闕恐當  
作聞

南北各萬里。有雲心更閒。因風離海上。伴月到人間。洛浦少高樹。長安無舊山。徘徊不可駐。漠漠更東還。

慶雲見

唐李紳

禮成中岳陳金冊。祥報卿雲冠玉峰。輕未透林疑待鳳。細非行雨詎成龍。卷風變彩霏微薄。照日籠光映隱重。還入九霄成沆瀣。夕嵐生處鶴歸松。

晚霞

宋朱子

日落西南第幾峰。斷霞千里抹殘紅。上方傑閣憑欄處。欲盡餘暉怯晚風。

雨

唐李嶠

西北雲膚起。東南雨足來。靈童出海見。神女向臺迴。斜影風前合。圓文水上開。十旬無破塊。九土信康哉。

又

唐杜牧

連雲接塞添迢遞。灑幕侵燈送寂寥。一夜不眠孤客耳。主人窗外有芭蕉。

細雨

唐李商隱

瀟灑傷迴汀。依微過短亭。氣涼先動竹。點細未開萍。稍促高高燕。微疎的的螢。故園煙草色。仍近五門青。

微雨

唐吳融

天青溼未遍。風急舞難成。粉重低飛蝶。黃沉不語鶯。自

青可作  
沉一作

濃  
自一作  
上作遠  
傾宜作  
輕

隨春靄亂還放夕陽明惆悵池塘上荷珠點點傾

春雨

霏霏漠漠暗和春幕翠凝紅色更新寒入膩濃曉睡  
細隨油壁靜香塵連雲似織休迷鴈帶柳如啼好貼人  
別有空堦寂寥事綠苔狼藉落花頻

連雨漲江

宋蘇軾

急雨瀟瀟作晚涼臥聞榕葉響空廊微明燈火耿殘夢  
半溼簾帷浥舊香高浪隱牀吹甕盎暗風驚樹擺琳琅  
先生不出晴無用留向空堦滴夜長

對雨

唐李白

卷簾聊舉目露溼草綿綿古岫披雲毳空庭織碎烟水  
紋愁不起風線重難牽盡日扶犁叟往來江樹前

又

唐劉兼

幽庭凝碧亦漣漪簷雷聲繁聒夢歸半岫金烏纔委照  
一川石燕又交飛濯枝露霖梅花發吹渚飄飄暑氣微  
因憶故園垂釣處蒼苔班駁滿漁磯

夜窗聽雨

明李東陽

瀟瀟殘雨入深更半灑疎窗半拂楹芳草池塘應有夢  
落花庭院不勝情聽疑野寺昏鐘遠望憶江船夜火明  
明日曉晴須出郭葛衣藜杖一時輕

聞雨

唐韓偓

香侵蔽膝夜寒輕。聞雨傷春夢不成。羅帳四垂紅燭背。玉釵敲著枕函聲。

春夜喜雨

唐杜甫

好雨知時節。當春乃發生。隨風潛入夜。潤物細無聲。野徑雲俱黑。江船火獨明。曉看紅溼處。花重錦官城。

久旱喜雨

明羅理

烈旱猶非久。甘霖賸足誇。密雲藏玉兔。飛電掣金蛇。豆熟豐隆莢。林分潤透花。農人忘帝力。但說好年華。

旅館遇雨

唐杜荀鶴

官宮可作

和隨一作

月華星采坐來收。嶽色江聲暗結愁。半夜燈前十年事。一時隨雨到心頭。

芒種過後經旬無日不雨

宋陸游

芒種初過雨及時。紗廚睡起角巾欹。痴雲不散常遮壩。野水無聲自入池。綠樹晚涼鳩語鬧。畫梁晝寂燕歸遲。閑身自喜渾無事。衣覆熏籠獨誦詩。

監試夜雨滴空階

唐喻龜

寥寥復淒淒。飄松又灑槐。氣濛蛛網室。聲疊蘚花階。古壁青燈暗。深庭溼葉埋。稔垂舊鴛瓦。疑歷小茅齋。冷與陰蟲間。清將玉漏偕。病身惟展轉。誰見此時懷。

夏夜雨

唐韓偓

猛風飄電黑雲生。霎霎高林簇雨聲。夜久雨休風又定。斷雲流月却殘明。

大雨

集作六月二十七  
日望湖樓醉書

宋蘇軾

黑雲翻墨未遮山。白雨跳珠亂入船。卷地風來忽吹散。望湖樓下水如天。

晴

宋梅聖俞

風掃天如鑑。雲開日似萍。苑花猶帶溼。蔬甲已微青。蝶翅粉應薄。塘渌波更渟。尋春不惜醉。莫笑髮星星。

雨晴

唐杜甫

本集寒  
作塞梨  
作杙

天際秋雲薄。從西萬里風。今朝好晴景。久雨不妨農。寒柳行疎翠。山梨結小紅。胡笳樓上發。一鴈入高空。

又

元倪瓚

江上白蘋風起波。冷紋縈碧暮烟和。織成一幅鴛鴦錦。零落紅衣遠恨多。

初晴

宋陸游

睡起東窗照眼明。朝陽爛熳作新晴。已聞雨斷空階滴。更喜風從細葛生。蚊蝶飛來停酒榼。石榴飄落耀棋枰。四時好處閑方覺。不枉今年住錦城。

又

宋王安石



幅巾慵整露光華。度隴深尋一徑斜。小雨初晴天氣好。晚花殘照幾人家。

春晴

唐王駕

雨前初見花間蕊。雨後全無葉底花。蜂蝶紛紛過墻去。却疑春色在鄰家。

春霽

宋秦觀

一夕輕雷落萬絲。霽光浮瓦碧參差。有情芍藥含晴淚。無力薔薇臥曉枝。

途中晴

唐孟浩然

已失巴陵雨。猶逢蜀坂泥。天開斜景遍。山出晚雲低。餘

巴陵雨  
一作王  
度道  
遍一作  
迥

溼猶沾草。殘流尚入谿。今宵有明月。鄉思遠悽悽。

霧

唐蘇味道

氤氳起洞壑。遙裔匝平疇。乍似龍含劍。還疑蜃映樓。拂林隨雨密。度逕帶烟浮。方謝公超步。終從彥輔遊。

水邨霧

宋葛長庚

淡處還濃綠處青。江風吹作雨毛腥。起從水面縈曾嶂。恍似簾中見畫屏。

曉行遇霧

雨餘花滴滿紅橋。柳絮沾泥夜不消。曉霧忽無還忽有。春山如近復如遙。

露

唐李嶠

滴瀝明花苑。葳蕤泣竹叢。玉垂丹棘上。珠湛綠荷中。夜  
警千年鶴。朝零七月風。願凝僊掌內。長奉未央宮。

又

唐韓琮

長隨聖澤隨堯天。濯遍幽蘭葉葉鮮。纔喜輕塵銷陌上。  
已愁新月到堦前。文騰要地成非久。珠綴秋荷偶得圓。  
幾處花枝抱離恨。曉風殘月淚泫然。

人

唐徐寅

鶴鳴先警鴈來天。洗竹沾花處處鮮。散彩幾當蟬飲際。  
凝光宜對蚌胎前。朝垂苑草煙猶重。夜滴宮槐月正圓。

怵惕與霜同降。日蕪繁思薦獨淒然。

霜

應節誰窮造化端。菊黃豺祭問應難。紅宍透出駕衣冷。  
白草飛時鴈寒寒。露結芝蘭瓊屑厚。日乾芙蓉粉痕殘。  
世間無此催搖落。松竹何人肯便看。

霜花

元謝宗可

粲粲瓊英借露浮。日高還付水東流。剪裁應費金神巧。  
開落從教玉女愁。有艷淡粧宮瓦曉。無香寒壓板橋秋。  
五更不怕樓頭角。吹到梅花特地稠。

雪

唐聶存中

雲容四野合。日色斂光華。一夜寒生骨。滿天風散花。遠山銀鶴聚。老樹玉龍斜。豫報豐年兆。甌窶定滿家。

又

唐吳融

灑密蔽璇宮。霏霏杳莫窮。遲於雨到地。疾甚絮隨風。四野蒼茫際。千山晃朗中。夜迷三遶鵲。晝斷一行鴻。結片飛瓊樹。栽花照蕊宮。壅應邊盡北。填合海無東。高愛危峰積。低愁暖氣融。月交都浩渺。日射更瓊瓏。送臆辭寒律。迎春入舊叢。自憐會未至。聊復賦元功。

又

元黃庚

片片隨風整復斜。飄來老鬢覺添華。江山不夜月千里。

天地無私玉。萬家遠岸未春飛。柳絮前村破曉壓。梅花羔羊金帳應麤俗。自掬冰泉煮石茶。

對雪

唐李商隱

旋撲珠簾過粉牆。輕於柳絮重於霜。已隨江令誇瓊樹。又入盧家妬玉堂。侵夜可能爭桂魄。忍寒應欲試梅粧。關河凍合東西路。腸斷班駝送陸郎。

春雪

金元德明

幾日韶華雪更侵。龍公試手本無心。寒留整整斜斜態。暖入融融洩洩陰。著柳直疑香絮重。擁堦何似落花深。前頭桃李應無恙。賸破相如賣賦金。

又

唐韓愈

新春都未有芳華。二月初驚見草芽。白雪却嫌春色晚。故穿庭樹作飛花。

江雪

唐柳宗元

千山鳥飛絕。萬徑人踪滅。孤舟蓑笠翁。獨釣寒江雪。

和王員外晴雪蚤朝

唐錢起

紫微晴雪帶恩光。繞仗偏隨鷓鴣行。長信月留寧避曉。宜春花滿不飛香。獨看積素凝清禁。已覺輕寒讓太陽。題柱盛名兼絕唱。風流誰繼漢田郎。

雪後書北臺壁

宋蘇軾

城頭初日已翻鴉。陌上晴泥始沒車。凍合玉樓寒起粟。光搖銀海眩生花。遺蝗入地應千尺。宿麥連雲有幾家。老去自嗟詩力退。空吟冰柱憶劉叉。

韓舍人書齋殘雪

唐戎昱

風捲黃雲暮雪晴。江烟洗盡柳條輕。簷前數片無人掃。又得書窗一夜明。

雪中偶題

唐鄭谷

亂飄僧舍茶煙溼。密灑歌樓酒力微。江上晚來堪畫處。漁人披得一蓑歸。

雪行

金元德明

五更驢背滿靴霜。殘雪離離草樹荒。身在景中無句寫。却教人比孟襄陽。

霰

宋楊萬里

雪花遣霰作前鋒。勢破張皇欲暗空。篩瓦巧尋疎處漏。跳堦誤到暖邊融。寒聲帶雨山難白。冷氣侵人火失紅。方訝一冬暄較甚。今宵敢嘆臥如弓。

雷

唐杜甫

巫峽中宵動。滄江十月雷。龍蛇不成蟄。天地劃爭迴。却碾空山過。深蟠絕壁來。何須妬雲雨。霹靂楚王臺。

電

附俞琰

造物神奇豈有涯。雲端閃爍掣金蛇。一痕急逗狂雷信。萬焰紛隨暴雨撾。散去星輝疊復見。掀開月色瞥還遮。幽窗降鑒頻三四。照盡人心正與邪。

虹

附王桂

誰向長空駕彩橋。輕紅淺綠共迢迢。現時忽傷疎林挂。斷處旋隨薄暝銷。乍訝龍光晴貫日。還疑寶氣夜翀霄。雲情雨意知多少。總付江郎賦裏描。

賦得浦外虹

唐陳潤

日影化為虹。彎彎出浦東。一條微雨後。五色片雲中。輪勢隨天轉。橋形跨海通。還將飲水處。持送使車雄。

暮虹

元黃庚

浮雲開合晚風輕。白鳥飛邊落照明。一曲彩虹橫界斷。南山雷雨北山晴。

歲時部

立春

唐韋莊

青帝東來日馭遲。暖煙輕逐曉風吹。罽袍公子樽前覺。錦帳佳人夢裏知。雪圃乍開紅菜甲。綵幡新剪綠楊絲。殷勤為作宜春曲。題向華牋貼繡楮。

又

宋張栻

律回歲晚冰霜少。春到人間草木知。便覺眼前生意滿。東風吹水綠差差。

元日立春感嘆有作

宋范成大

元日兼春日霜寒又雪寒。併煩傳菜手。同捧頌椒盤。疊

膝稀穿履扶頭嬾整冠。五年如此度。寧得諱衰殘。

人日立春

唐 盧仝

春度春歸無限春。今朝方始覺成人。從今克已應猶及。願與梅花俱自新。

東郊迎春

唐 皇甫冉

曉見蒼龍駕東郊。春已迎綵雲天仗。合玄象泰階平佳。氣山川秀和風政。令行鈎陳霜騎肅御道。兩師清律向韶陽。變人隨草木榮遙瞻上林苑。今日遇遷鶯。

歲旦

宋 宋伯仁

居閒無賀客。蚤起只如常。桃板隨人換。梅花隔歲香。春

風回笑語雲氣卜豐穰。栢酒何勞勸。心平壽自長。

元旦試筆

明 陳憲章

天上風雲慶會期。廟謨爭遣草茅知。鄰牆旋打娛賓酒。稚子齊歌樂歲詩。老去又逢新歲月。春亦更有好花枝。晚風何處江樓笛。吹到東溟月上時。

已酉元旦

宋 陸游

夜雨解殘雪。朝陽開積陰。桃符呵筆寫。椒酒過花斟。岸柳搖風蚤。街泥濺馬深。行宮放朝賀。共識慕堯心。

元旦觀朝

唐 厲元

玉座臨新歲。朝盈萬國人。火連雙闕曉。仗列五門春。瑞

雪銷駕瓦祥光在日輪天顏不敢視稱賀拜空頻

奉和正日臨朝應詔

唐魏徵

百靈待軒后萬國會塗山豈如今睿哲邁古獨光前  
聲教溢四海朝宗引百川鏘洋鳴玉珮灼爍耀金蟬  
淑景輝雕輦高旌揚翠烟庭實超王會廣樂盛鈞天  
既忻東日戶復咏南風篇願奉光華慶從斯億萬年

人日

唐杜甫

此日此時人共得一談一笑俗相看尊前栢葉休隨酒  
勝裏金花巧耐寒佩劍衝星聊暫拔匣琴流水自須彈  
蚤春重引江湖興直道無憂行路難

正月十五夜

唐蘇味道

火樹銀花合星橋鐵鎖開暗塵隨馬去明月逐人來  
遊妓皆穠李行歌盡落梅金吾不禁夜玉漏莫相催

十五夜遊

今夕重門啟遊春得夜芳月華連晝色燈影禡星光  
南陌青絲騎東鄰紅粉妝管絃遙辨曲羅綺暗聞香  
人擁行歌路車攢鬪舞場經過猶未已鐘鼓出長楊

長安元夜

唐袁不約

鳳城連夜九門通帝女皇妃出漢宮千乘寶車珠箔捲  
萬條銀燭碧紗籠歌聲緩過青樓月香氣潛來紫陌風



長樂曉鐘歸騎後遺簪落翠滿街中

元夜

宋朱淑真

月滿今宵霽色澄。深沉簾幕管絃清。誇毫鬪彩連僊館。墜翠遺珠滿帝城。一派笑聲和鼓吹。六街燈火樂昇平。歸來禁漏餘三四。窗上梅花瘦影橫。

元宵

明唐寅

有燈無月不娛人。有月無燈不算春。春到人間人似玉。燈燒月下月如銀。滿街珠翠遊村女。沸地笙歌賽社神。不展芳尊開口笑。如何消得此良辰。

十五夜御前口號踏歌詞

唐張說

花萼樓前雨露新。長安城裏太平人。龍銜火樹千燈艷。鷄踏蓮花萬樹春。

又

帝宮三五戲春臺。行雨流風莫妬來。西域燈輪千影亂。東華金闕萬重開。

花朝

明湯顯祖

妬花風雨怕難銷。偶逐晴光撲蝶遙。一半春隨殘夜醉。却言明日是花朝。

社日

明甘瑾

楓樹林邊雨腳斜。兒童祈賽競喧譁。雞豚上戊家家酒。

鶯燕東風處處花。野徑歸時扶醉客。叢祠祭罷集神鴉。  
瀕湖生意愁多潦。豫祝汙邪載滿車。

又

唐張演

鵝湖山下稻梁肥。豚柵鷄棲對掩扉。桑柘影斜春社散。  
家家扶得醉人歸。

寒食前有懷

唐温庭筠

萬物鮮華雨乍晴。春寒寂歷近清明。殘芳荏苒雙飛蝶。  
曉睡朦朧百轉鶯。舊侶不歸成獨酌。故園雖在有誰耕。  
悠然更起嚴灘恨。一宿東風蕙草生。

寒食

唐韓翃

春城無處不飛花。寒食東風御柳斜。日暮漢宮傳蠟燭。  
輕烟散入五侯家。

鄜州寒食

唐韋莊

滿街楊柳綠絲烟。畫出清明二月天。好是隔簾花樹動。  
女郎撩亂送鞦韆。

又

雨絲烟柳欲清明。金屋人閑暖鳳笙。永晝迢迢無一事。  
隔牆聞築氣毬聲。

又

雕陰寒食足遊人。金鳳羅衣溼麝熏。腸斷入城芳草路。

影樹一作

澹紅香白一羣羣

清明登城春望寄王使君

唐王表

春城閒望愛晴天。何處風光不眼前。寒食花開千樹雪。清明日出萬家煙。興來促席惟同舍。醉後狂歌盡少年。聞說鶯啼却惆悵。詩成不見謝臨川。

長安清明

唐韋莊

蚤是傷春夢雨天。不堪芳草更芊芊。內官初賜清明火。上相閒分白打錢。紫陌亂嘶紅叱撥。綠楊高映畫秋千。遊人記得承平事。暗喜風光似昔年。

清明日對酒

宋高翥

升義紙方  
一作

南北山頭多墓田。清明祭掃各紛然。紙灰飛作白蝴蝶。淚血染成紅杜鵑。落日狐狸眠塚上。夜歸兒女笑燈前。人生有酒須當醉。一滴何曾到九泉。

清明即事

明瞿佑

風落梨花雪滿庭。今季又是一清明。遊絲到地終無意。芳草連天若有情。滿院曉烟聞燕語。半窗晴日照蠶生。鞦韆一架名園裏。人隔垂楊聽笑聲。

清明日賜百官新火

唐鄭轅

改火清明候。優恩賜近臣。漏殘丹禁曉。燧發白榆新。瑞彩來雙闕。神光煥四鄰。氣回侯第煖。烟散帝城春。利刃

調羹鼎餘輝燭緡紳皇明如照隱願及聚螢人

清明

宋王禹偁

無花無酒過清明興味蕭然似野僧昨日鄰家乞新火  
曉窗分與讀書燈

上巳

明楊基

暖日風雩好晴江被禊過徑穿花底窄春向水邊多穠  
艷羞桃李輕軀稱綺羅髻搖金婀娜鞍覆錦盤陀曲浪  
留紋羽我峰進紫駝遊人傾巷陌啼鳥避笙歌坐障陰  
圍柳行茵軟藉莎漱酣香泛渚滌器膩浮波富貴唐天  
寶風流晉永和暮歸車馬鬧珠翠落平坡

上巳日花下閒看

唐吳融

十里香塵撲馬飛碧蓮峰下踏青時雲環照水和花重  
羅袖撞風惹絮遲可便無心邀武嬉還應有淚憶袁熙  
如烟如夢爭尋得溪柳回頭萬萬絲

上巳

宋韓琦

遠道今逢被禊晨雨餘風物一番新等閒臨水還思舊  
取次看花便當春絮雪暖迷西苑路車雷晴起曲江塵  
臺英正約尋芳會誰是山陰作序人

上巳看花次韻

明楊基

東湖東畔柳絲長滿苑飛花亂夕陽何處被除兒女散

過來流水鬱金香

晚春

隋煬帝

春一作

洛陽花稍晚。四望滿青暉。楊葉行將暗。桃花落未稀。窺  
簷燕爭入。穿林鳥亂飛。唯當關塞者。溽露方沾衣。

暮春即事

唐魚元機

深巷窮門少侶儔。阮郎惟有夢中留。香飄羅綺誰家席。  
風送歌聲何處樓。街近鼓鼙喧曉睡。庭閒鶻語亂春愁。  
安能近逐人間事。萬里身同不繫舟。

和人暮春書事寄崔秀才

唐韋莊

半掩朱門白日長。晚風輕隨落梅粧。不知芳草情何限。

只怪遊人思易傷。纔見蚤春鶯出谷。已驚新夏燕巢梁。  
相逢只賴如澗酒。一曲狂歌入醉鄉。

春暮有感

明楊基

春色鮮明不稱貧。越羅川錦照烏巾。斜陽芳草遲遲晚。  
流水桃花去去春。萬里歸心漚送客。片時閑夢鳥催人。  
五湖風雨烟波闊。便著青蓑採白蘋。

暮春吟

宋邵雍

林下居常睡起遲。那堪車馬近來稀。春深畫永簾垂地。  
庭院無風花自飛。

春盡日

唐韓偓

半平  
一作

樹頭初日照西簷。樹底蕙花夜雨沾。外院池亭聞動鎖。後堂欄檻見垂簾。柳腰入戶風斜倚。榆莢堆牆水平淹。把酒送春惆悵在。去年三月病懨懨。

春日

梁元帝

映照  
一作

新鶯隱葉轉。新燕向窗飛。柳絮時依酒。梅花乍入衣。玉珂隨風度。金鞍照日輝。無令春色晚。獨望行人歸。

又

唐韋莊

忽覺東風景漸遲。野梅山杏暗芳菲。落星樓上吹殘角。偃月營中挂夕暉。旅夢亂隨蝴蝶散。離魂潛逐杜鵑飛。紅塵望斷長安陌。芳草王孫暮不歸。

春日晏起

近來中酒起常遲。臥看南山改舊詩。開戶日高春寂寞。數聲啼鳥上花枝。

春日書院

明魯鐸

門巷青苔隔路谿。小桃開滿磬池西。枕書眠著無人喚。花裏東風百舌啼。

春日閑居

明王虞鳳

濃陰柳色罩輕紗。風送爐煙一縷斜。庭草黃昏隨意綠。子規啼上木蘭花。

春歌

晉女子

春林花多媚。春鳥意多哀。春風復多情。吹我羅裳開。

春曉

唐 孟浩然

春眠不覺曉。處處聞啼鳥。夜來風雨聲。花落知多少。

春夜

宋 王安石

金爐香燼漏聲殘。剪剪輕風陣陣寒。春色惱人眠不得。月移花影上闌干。

又

金 呂中孚

柳塘漠漠暗啼鴉。一鏡晴飛玉有華。好是夜闌人不寐。半庭疎影在梨花。

春色滿皇州

唐 沈亞之

何處春暉好。偏宜在雍州。花明夾城道。柳暗曲江頭。風軟游絲重。光融瑞氣浮。鬪雞憐短草。乳燕傷高樓。繡轂盈香陌。新泉溢御溝。行看日近處。進騎似川流。

春行

宋 真山民

短帽輕衫步履遲。微暄天氣乍晴時。池融嫩碧銷殘凍。春剪新紅綴舊枝。嵐氣滴衣堪入畫。禽聲到耳足供詩。東風苦欲招人醉。頻掉橋西賣酒旗。

春景

明 宣宗

水影虛涵一鏡中。晴光搖蕩暖雲紅。小桃花重初經雨。弱柳絲柔屢舞風。

山中立夏即事

明 蔡汝南

一樽開首夏。獨對落花飛。幽僻還聞鳥。清和未換衣。綠  
帷槐影合。香飯藥苗肥。盡日柴門啟。蠶家過客稀。

蚤夏

唐 胡宿

井轄投多思不禁。密垂珠箔晝沉沉。睡驚燕語頻移枕。  
病起蛛絲半在琴。雨徑亂花埋宿艷。月軒脩竹轉涼陰。  
一春酒費知多少。探盡囊中換賦金。

初夏閒居即事

宋 陸游

巾脫冠欹八尺牀。竹陰槐影有餘涼。隨風花隴殘棋上。  
引睡書拋倦枕傷。水漲沙鷗向人熟。雨餘巢燕哺雛忙。

尚嫌未愜幽情在。又喚漁舟渡野塘。

初夏

曲徑泥新晚照明。小軒纔受一牀橫。翩翩乳燕穿簾影。  
簌簌新篁解籜聲。藥物屏除知病減。夢魂安穩覺心平。  
深居不恨無來客。時有山禽自贊名。

又

宋 曾鞏

雨過橫塘水滿堤。亂山高下路東西。一番桃李花開後。  
唯有青青草色齊。

貞谿初夏

明 郭亨貞

巡簷燕子掠晴絲。隔水茶烟出院遲。草色入簾人不到。



午風吹暖夢回時

午日庭宴

明唐順之

南薰應律轉朱旗。帝乘離錦席披榴吐。千花承羽蓋。奠開五葉拂瑤墀。冰盤錯出僊人掌。金縷遙分織女絲。復道龍舟方競渡。銜恩更許向昆池。

許長卿水亭五日

明顧起元

久緣起色倦登樓。喜向高陽得勝遊。為有蒲葵開令序。况逢簫鼓沸中流。千峰忽送朱簾雨。一水先迴碧樹秋。坐惜主人投轄意。夜深燈火下滄洲。

揚州端午呈趙帥

宋戴復古

榴花角黍鬪時新。今日誰家不酒樽。堪笑江湖阻風客。却隨蒿艾上朱門。

大暑

金趙元

旱雲飛火燎長空。白日渾如坐甑中。不到廣寒冰雪窟。扇頭能有幾多風。

暑中閒詠

宋蘇舜欽

嘉果浮沉酒半醺。林頭書冊亂紛紛。北軒涼吹開疎竹。臥看青天行白雲。

消暑

唐白居易

何以消煩暑。端居一院中。眼前無長物。窗下有清風。熱

散由心靜涼生為室空此時身自得難更與人同

橋南納涼

宋陸游

攜杖來追柳外涼。畫橋南畔倚胡牀。月明船笛參差起。風定池蓮自在香。半落星河知夜久。無窮草樹覺城荒。碧筒莫惜頽然醉。人事還隨日出忙。

六七月之交山中涼甚

城市方炎熱。村墟乃爾涼。拂窗桐葉下。繞舍稻花香。獨鶴警秋露。雙螢明屋梁。臥聞機婦織。感嘆夜初長。

奉和夏日應令

北周庾信

朱簾捲麗日。翠幕蔽重陽。五月炎蒸氣。三時刻漏長。麥

隨風裏熟梅。逐雨中黃。開冰帶井水。和粉襪生香。衫含蕉葉氣。扇動竹花涼。蚤菱生軟角。初蓮開細房。願陪僊鶴舉。洛浦聽笙簧。

夏日

宋張耒

長夏江村風日清。簷牙燕雀已生成。蝶衣晒粉花枝午。蛛網添絲屋角晴。落落疎簾邀月影。嘈嘈虛枕納溪聲。久拚兩鬢如霜雪。直欲樵漁過此生。

又

黃簾翠幕斷飛蠅。午影當軒睡未興。枕隱海魚鑿紫石。扇涼山雪畫青縉。廊陰日轉雕欄樹。坐冷風生玉盃冰。

隱一作穩

滿案詩書塵蠹甚。故應疎懶過炎蒸。

夏日偶成

明黃氏

深院塵消散。午炎篆烟如夢晝。瀟瀟輕風似與荷花約。為送香來自捲簾。

夏夜

宋方岳

河漢微明星乍稀。碧蓮香溼襲人衣。夜涼如水琉璃滑。自起開窗放月歸。

夏景

明宣宗

暑雨初過爽氣清。玉波蕩漾畫橋平。穿簾小燕雙雙好。泛水閒鷗箇箇輕。

立秋

陳周弘讓

茲辰戒流火。商飈蚤已驚。雲天改夏色。木葉動秋聲。

立秋日

唐司空曙

律變新秋至。蕭條自此初。花酣蓮報謝。葉在柳呈疎。淡日非雲映。清風似雨餘。捲簾涼暗度。迎扇暑先除。草靜多翻燕。波澄乍露魚。今朝散騎省。作賦興何如。

又

宋劉武子

乳鴉啼散玉屏空。一枕新涼一扇風。睡起秋聲無覓處。滿階梧葉月中。

新秋

唐元稹

旦暮已淒涼。離人遠思忙。夏衣臨曉薄。秋影入簷長。前  
事風隨扇。歸心燕在梁。殷勤寄牛女。河漢正相望。

又

唐 杜甫

火雲猶未斂。奇峰欹枕初。驚一葉風。幾處園林蕭瑟裏。  
誰家砧杵寂。寥中蟬聲斷。續悲殘月。螢焰高低照暮空。  
賦就金門期再獻。夜深搔手嘆飛蓬。

新秋示盛伯宣

明 銜 泰

暑退新涼透碧紗。砧聲不斷是誰家。酒醒小立殘陽裏。  
閑數籬邊紫荳花。

七夕

隋 王 昶

天河橫欲曉。鳳駕儼應飛。落月移粧鏡。浮雲動別衣。懽  
逐今宵盡。愁隨還路歸。猶將宿昔淚。更上去年機。

又

唐 祖 咏

閨女求天女。更闌意未闌。玉庭開粉席。羅袖捧金盤。向  
月穿針易。臨風整線難。不知誰得巧。明日試尋看。

又

元 孫 淑

乞巧樓前雨乍晴。彎彎新月伴雙星。隣家小女都相學。  
鬪取金盆看五生。

又

明 馮 琦

天空露下夜如何。漫道雙星已渡河。見說人間方恤緯。

可知天上不停梭

池塘七夕

唐 温庭筠

月出西南露氣秋。綺寮河漢在斜樓。楊家繡作鴛鴦幔。張氏金爲翡翠鉤。香燭有光妨宿燕。曉屏無睡待牽牛。萬家砧杵三篙水。一夕橫塘是舊遊。

中秋

明 曹 鼐

風捲浮雲散九區。海天澄徹月輪孤。三秋爽氣凌空碧。一點寒光照太虛。狂客醉酣歌白苧。素娥起舞擊蒼梧。何須更覓神仙術。我已藏身白玉壺。

又

宋 汪 洙

秋景今宵半。天高月倍明。南樓誰宴賞。絲竹奏清聲。

九日藍田崔氏莊

唐 杜 甫

老去悲秋強自寬。興來今日盡君歡。羞將短髮還吹帽。笑倩傍人爲正冠。藍水遠從千澗落。玉山高並兩峰寒。明年此會知誰健。醉把茱萸仔細看。

九日齊山登高

唐 杜 牧

江涵秋影鴈初飛。與客攜壺上翠微。人世難逢開口笑。菊花須插滿頭歸。但將酩酊酬佳節。不用登臨怨落暉。古往今來只如此。牛山何必淚沾衣。

重陽日訪元秀上人

唐 鄭 谷

獨淚一作

紅葉黃花秋景寬。醉吟朝夕在樊川。却嫌今日登山俗。且共高僧對榻眠。別畫長懷吳寺壁。宜茶偏賞霅溪泉。歸來童穉爭相笑。何事無人與酒船。

九日

元張養浩

一行作吏廢懽遊。九日登臨擬盡酬。詩有少陵難著語。菊無元亮不成秋。雲山自笑頭將鶴。人海誰知我亦鷗。幸遇佳晨莫辭醉。浮雲今古劇悠悠。

九日宴

唐張諤

秋葉風吹黃颯颯。晴雲日照白鱗鱗。歸來得問茱萸女。今日登高醉幾人。

重九

朝鮮鄭道傳

故園歸路渺無窮。水遶山圍第幾重。望欲遠時愁更遠。登高莫上最高峰。

暮秋感興

宋寇準

苒苒前期遠。窮途亦可傷。有時聞落葉。不語立殘陽。塞草秋先白。溪沙晚更光。那看望天末。燕鴈又成行。

江亭晚秋

唐李郢

碧天涼冷鴈來疎。閒看江亭思有餘。秋館池潭荷葉歇。野人籬落荳花初。無愁自得僊翁術。多病能忘太史書。聞說故園香稻熟。片帆歸去就鱸魚。

亭一作潭  
雲一作亭  
敬一作凌

秋晚高樓

唐 唐彦謙

松映疎窗竹映欄。素琴幽怨不成彈。清霄霽極雲離岫。紫禁風高露滿盤。晚蝶飄零經宿雨。暮鴉零亂報秋寒。高樓瞪目歸鴻遠。始信稽康欲畫難。

秋日

唐 耿 漳

返照入閭巷。憂來誰共語。古道少人行。秋風動禾黍。

又

唐 韓 偓

雨後碧苔院。霜來紅葉樓。閒階上斜日。鸚鵡伴人愁。

又

宋 朱 子

一雨生涼杜若洲。月波微漾綠谿流。茅檐歸去無塵土。

淡薄閑花遶舍秋

長安臥病秋夜言懷

唐 陳 羽

九重門鎖禁城秋。月過南宮漸映樓。紫陌夜深槐露滴。碧天雲盡火星流。風清刻漏傳三殿。甲第鼓鐘樂五侯。楚客病來鄉思苦。寂寥燈下不勝愁。

西齋秋夜

元 僧善住

晚雨過江城。西齋秋氣清。夢回孤枕上。無處不蟲聲。

長安秋夜

唐 李德裕

內官傳詔問戎機。載筆金鑿夜始歸。萬戶千門皆寂寂。月中清露點朝衣。

山間秋夜

宋 真山民

夜色秋光共一闌。飽收風露入脾肝。虛簷立盡梧桐影。絡緯數聲山月寒。

江館秋夕

唐 譚用之

耿耿銀河鴈半橫。夢歆金碧轆轤輕。滿窓謝練江風白。一枕齊紈海月明。楊柳敗稍飛葉響。芰荷香柄折秋鳴。誰人更唱陽關曲。牢落烟霞夢不成。

感秋

唐 姚倫

試向疎林望。方知節候殊。亂聲千葉下。寒影一巢孤。不敵秋天鴈。驚聞夜月烏。霜風與春日。幾度遣榮枯。

稍稍可作

候

枯枯可作

秋興

唐 杜甫

玉露凋傷楓樹林。巫山巫峽氣蕭森。江間波浪兼天湧。塞上風雲接地陰。叢菊兩開他日淚。孤舟一繫故園心。寒衣處處催刀尺。白帝城高急暮砧。

秋懷

唐 雍陶

古槐烟薄晚鴉愁。獨向黃昏立御溝。南國望中生遠思。一行新鴈過汀洲。

秋色

唐 吳融

染不成乾畫未消。霏霏拂拂又迢迢。會從建業城邊過。蔓草寒烟鎖六朝。



秋景

明宣宗

新秋涼露溼荷叢。不斷清香逐曉風。滿目濃華春意。在  
晚霞澄錦照芙蓉。

立冬

明王穉登

秋風吹盡舊庭柯。黃葉丹楓客裏過。一點禪燈半輪月。  
今宵寒較昨宵多。

初冬

宋劉克莊

晴窗蚤覺愛朝曦。竹外秋聲漸作威。命僕安排新暖閣。  
呼童熨帖舊寒衣。葉浮嫩綠酒初熟。橙切香黃蟹正肥。  
蒼菊滿園皆可羨。賞心從此莫相違。

童

小至

唐杜甫

天時人事日相催。冬至陽生春又來。刺繡五紋添弱線。  
吹葭六管動飛灰。岸容待臘將舒柳。山意衝寒欲放梅。  
雲物不殊鄉國異。教兒且覆掌中杯。

至節即事

元馬臻

天街曉色瑞烟濃。名紙相傳盡賀冬。繡幕家家渾不卷。  
呼盧笑語自從容。

南至日太史登臺書雲物

唐于尹躬

至日行時令。登臺約禮文。官稱伯趙氏。色辨五方雲。晝  
漏聽初發。陽光望漸分。司天為歲備。持簡出人羣。惠愛

周微物。生靈荷聖君。長當有嘉瑞。郁郁復紛紛。

寒夜

宋 杜小山

寒夜客來茶當酒。竹爐湯沸火初紅。尋常一樣窗前月。纔有梅花便不同。

臘月下旬偶作

宋 張耒

歲暮烟霜澤國寒。曉鴉鳴處是柯山。地爐有火尊餘酒。自起焚香深掩關。

臘日

明 李先芳

臘日烟光薄。郊園朔望空。歲登通蜡祭。酒熟釀村翁。積雪連長陌。枯桑起大風。村邨聞賽鼓。又了一年中。

除夜

唐 王諶

今歲今宵盡。明年明日催。寒隨一夜去。春逐五更來。氣色空中改。容顏暗裏回。風光人不覺。已入後園梅。

除夜作

唐 高適

旅館寒燈獨不眠。客心何事轉淒然。故鄉今夜思千里。霜鬢明朝又一年。

守歲侍宴應制

唐 杜審言

季冬除夜接新年。帝子王臣捧御筵。宮闕星河低拂樹。殿庭燈燭上熏天。彈絃奏節梅風入。對局探鉤柏酒傳。欲向正元歌萬壽。暫留歡賞寄春前。

冬日

唐韓偓

蕭條古木銜斜日。戚瀝晴寒滯早梅。愁處雪煙連野起。靜時風竹過牆來。故人每憶心先見。新酒偷嘗手自開。景狀入詩兼入畫。言情不盡恨無才。

冬夜

明毛文貞

玉井無聲戶已扃。一庭霜月冷如凝。誰憐寂寞書窗下。凍影梅花伴夜燈。

冬景

明宣宗

池頭六出花飛遍。池水無波凍欲平。一望玻璃三百頃。好山西北玉為屏。

歲時部 附錄

曉

唐徐寅

水盡銅龍滴漸微。景陽鐘動夢魂飛。潼關鷄唱促歸騎。金殿燭殘求御衣。窗下寒機猶自織。梁間棲燕欲雙飛。羲和晴聳扶桑轡。借與寰瀛看蚤暉。

曉色

元謝宗可

遠似煙霏近又空。非明非夜雨朦朧。一天清露洗難退。幾抹曙雲遮不窮。斷角樓臺濃淡裏。殘燈院落有無中。蒼茫半逐鷄聲散。又被朝陽染作紅。

商山蚤行

唐温庭筠

扶曙一作樹曙

晨起動征鐸。客行悲故鄉。鷄聲苑店月。人跡板橋霜。櫛  
葉落山路。枳花明驛牆。因思杜陵夢。鳧鴈滿迴塘。

秋日早行

唐 韋 莊

上馬蕭蕭襟袖涼。路穿禾黍繞宮牆。半山殘月露華冷。  
一岸野風蓮萼香。烟外驛樓紅隱隱。渚邊雲樹暗蒼蒼。  
行人自是心如火。免走烏飛不覺長。

江上蚤行

明 楊士奇

漢陽磯上鼓初稀。烟柳隴隴一鵲飛。乘月不知行處遠。  
滿江風露溼人衣。

晚步

元 葉 顥

偶隨芳草踏斜暉。石徑雲深翠滴衣。兩袖天風明月上。  
杖頭挑得樹陰歸。

夜

唐 徐 寅

日隨虞淵燭影開。沉沉烟霧壓浮埃。剡川雪滿子猷去。  
漢殿月生王母來。簷挂蛛絲應漸織。風吹螢火不成灰。  
愁人莫道何時旦。自有鐘鳴漏滴催。

夜景

唐 韋 莊

滿庭松桂雨餘天。宋玉秋聲韻蜀絃。烏兔不知多事世。  
星辰依舊太平年。誰家一笛吹殘暑。何處雙砧擣暮烟。  
欲把傷心問明月。素娥無語淚涓涓。

夜景又作

唐鄭畋

鈴條無響閉珠宮。小閣涼添玉蕊風。珍簟滿牀明月到。自疑身在五雲中。

夜半

唐李商隱

五更三點萬家眠。露欲為霜月。隋烟鬪鼠上堂蝙蝠出。玉琴時動倚窗絃。

夜坐

明文徵明

酒闌客散小堂空。旋捲珠簾受晚風。坐久忽驚涼影動。一痕新月在梧桐。

閏月定四時

唐許稷

玉律窮三紀。推為積閏期。月餘因妙算。歲徧自成時。乍覺年華改。翻憐物候遲。六旬知不忒。四氣本無欺。月桂虧還正。階蓂落復滋。從茲分曆象。共仰定毫釐。

咏物詩選卷第一終

早稲田大学図書館

011688992836